



A las adressatas ed als adressats
tenor la glista da dsitribuziun

Cuira, ils 2 da november 2017

Revisiun totala da la lescha davart las scolas medias en il chantun Grischun

Stimadas dunnas e preziads signurs

Il program da la regenza 2017-2020 prevesa sut il punct central da svilup 5/25 la revisiun totala da la lescha davart las scolas medias en il chantun Grischun dals 7 d'october 1962 (lescha davart las scolas medias; DG 425.000) (missiva da la regenza al cussegl grond, carnet nr. 12/2015–2016, rapport davart il program da la regenza ed il plan da finanzas per ils onns 2017–2020, pagina 840). Questa revisiun totala duai garantir ch'il chantun possia pussibilitar als giuvenils grischuns – en il senn da l'art. 89 al. 3 da la constituziun dal chantun Grischun dals 14 da settember 2003 (CC; DG 110.100) e sut l'aspect da la midada demografica – vinavant ina scolaziun decentrala ad ina scola media che als prepara optimalmain per in studi en ina scola auta.

Suenter che la voluntad politica da mantegnair la cuntrada da scolas medias decentrala è anc adina avant maun malgrà il regress dal dumber da scolaras e scholars, sto vegnir elavurada ina soluziun per mantegnair las structuras dadas da la cuntrada da scolas medias en Grischun, resguardond però ch'il dumber da scolaras e scholars a las scolas medias dal Grischun vegn a sa reducir vinavant ils proxims onns. Per quest intent è vegnida dada l'incumbensa da far in'expertisa giuridica externa che tracta las pretensiuns envers ina purschida decentrala da scolas medias tenor l'art. 89 al. 3 CC. Las enconuschientschas da l'expertisa giuridica furman las saivs directives concepziunalas per la revisiun totala da la lescha davart las scolas medias.

La finamira da la revisiun totala da la lescha davart las scolas medias è quella da mantegnair sche pussaivel las structuras da scola media cumprovadas cun ina scola media chantunala ad in u a plirs lieus sco er cun scolas medias decentralas organisadas tenor il dretg privat e sustegnidas dal chantun resguardond la giustia da furmaziun.

Ultra da la rectificaziun structurala dal text da lescha ch'è vegnì revedì parzialmain differents giadas cumpiglia la revisiun totala en spezial la stabilisaziun d'incarcas da prestaziun per las scolas medias sco element directiv strategic. Il chantun duai pudair intervegnir adura, sche per exempel ina scola media privata na po betg pli cuntinuar cun ses manaschi ord atgna forza. Plinavant duai vegnir creada la basa legala per ch'il chantun possia pagar ina contribuziun pauschala a l'alloschi ed a l'alimentaziun per scolaras grischunas e scolaras grischuns che abitan en ina chasa da dimora d'ina scola media privata.

Il 31 d'october 2017 ha la regenza incumbensà il departament d'educaziun, cultura e protecziun da l'ambient da realisar la procedura da consultaziun tar il sboz da lescha.

Nus As engraziain che Vus tramettais Vossa posiziun fin il pli tard **glindesdi, ils 5 da favrer 2018** per posta al departament d'educaziun, cultura e protecziun da l'ambient, Quaderstrasse 17, 7000 Cuira u per e-mail ad: info@ekud.gr.ch.

Il sboz da consultaziun e las explicaziuns appartegnentas pudais Vus empustar sin palpiri tar il secretariat dal departament ubain consultar e chargiar giu da nossa pagina d'internet www.ekud.gr.ch sut la suandanta rubrica:

Rumantsch > Sur da nus > Consultaziuns > Consultaziuns currentas

Per infurmaziuns As stattan a disposiziun dunna Andrea Stadler, secretaria dal departament (tel. 081 257 27 11 / e-mail: andrea.stadler@ekud.gr.ch), u dr. Hans Peter Märchy, manader da l'uffizi per la furmaziun media-superiura (tel. 081 257 61 65 / e-mail: hans.peter.maerchy@ahb.gr.ch).

Nus engraziain per Vossa preziosa collavuraziun.

Salids amicabels



Martin Jäger, cusseglier guvernativ